

永樂大典

卷二三五 水字

卷二三六 水字

卷二三七 水字

永樂大典卷之一萬一千一百三十五 八

水 水經九

水經汝水出河南梁縣勉鄉西天息山。地理志曰：出高陵山。即猛山東北。越出南陽魯陽縣之大孟山。又言出弘農盧氏縣還歸山。博物志曰：汝出熊泉山。並異名也。余以永平中蒙除魯陽太守。會上臺。下刊山川圖。以方誌參差。遂令尋其源流。此等既非學徒。難以取悉。既在還見。不容不述。今汝水西出魯陽縣之大孟山黃栢谷。巖郭深高。山岫邃密。石徑崎嶇。人跡裁交。西即盧氏界也。其水東北流。逕太和城西。又東流。逕其城北。左右深松列植。窮栢交陰。尹公度之所栖神處也。又東。屆竟山西巔下。水流兩分。一水東逕竟山南。為湫水也。即經所言湫水出竟山矣。一水東北出。為汝水。歷蒙栢谷。左右岫壑爭深。山阜競高。夾水層松茂栢。傾山蔭渚。故世人以名也。津流不已。北歷長白沙口。狐白溪水注之。夾岸沙漲若雪。因以取名。其水南出狐白川。北流注汝水。又東北趣狼臯山者也。東南過其縣北。汝水自狼臯山東出峽。謂之汝阨也。東歷麻解城北。故郢鄉城也。謂之蠻中。左

傳所謂單浮餘圍壁氏。壁氏潰者也。杜預曰。城在河南新城縣之東南。伊洛之戎。陸渾蠻氏城也。俗以為麻解城。非也。蓋蠻麻讀聲近故也。汝水又逕周平城南。京相璠曰。霍陽山在周平城東南者也。汝水又東與三屯谷水合。水出南山北流。逕石碣東。柱側刻云。河南界。又有一碣題言洛陽南界。碑柱相對。既無年月。竟不知何代所表也。其水又北流注于汝水。汝水又東與廣成澤水合。水出狼臯山北澤中。安帝永初元年。以廣成遊獵地假與貧民。元初二年。鄧太后臨朝。鄧璲兄弟輔政。世士以為文德可興。武功宜廢。殺蒐狩之禮。息戰陣之法。于時馬融以文武之道。聖賢不墜。五才之用。無或可廢。作廣成頌云。大漢之初。基也。撥厥靈圖。營于南郊。右瞻三塗。左枕嵩岳。面據衡陰。背王屋。浸以波瀾。演以榮落。金山石林。殷起乎其

中。神泉側出。丹水湟池。堆石浮磬。耀晃于其陂。桓帝延熹元年。校獵廣成。遂章函谷關。其水自澤東南流。逕溫泉。南與溫泉水合。溫水數源。揚波於川左。泉上華宇連蔭。茨蕘交池。石沿錯落。其間順道者多跡之。其水東南而流。注廣成澤水。澤水又東南入于汝水。汝水又東得魯公水口。水上承陽人城泉。魯公陂城。古梁之陽人聚也。秦威東周。徙其君於此。陂水東南而流。合于澗水。水出北山南流注之。又亂流注于汝水。汝水之右有霍陽聚。汝

水逕其北。東合霍陽山水。水出南山。杜預曰。河南梁縣有霍山者也。其水東北流逕霍陽聚東。世謂之華浮城。非也。春秋左傳哀公四年。楚侵梁。及霍。服虔曰。梁霍周南鄙也。建武二年。世祖遣征虜將軍祭遵攻蠻中。山賊張蒲時厭新相華。餘賊合攻。得霍陽聚。即此水。又逕梁城西。按春秋周小邑也。於戰國為南梁矣。故經云。汝水逕其縣北。俗謂之治城也。非以北有注城故也。今置治城縣治霍陽山水。又東北流注于汝水。汝水又左合三里水。水北出梁縣西北。而東南流逕其縣故城西。故單狐聚也。地理志云。秦滅西周。徙其君於此。因乃縣之。杜預曰。河南縣西南有梁城。即是縣也。水又東南逕注城南。司馬彪曰。河南梁縣有注城。史記。魏文侯三十二年。敗秦于注者也。又與一水合。水發注城東坂下。東南流注三里水。又亂流入于汝。汝水又東逕城安縣故城北。按地理志。潁川郡有成安縣侯國也。史記建元以來功臣侯者年表曰。漢武帝元朔五年。校尉韓千秋擊南城。死。封其子韓延年為成安侯。即此邑矣。世謂之白象城。非也。俗謬耳。汝水又東為周公渡。指承休之微陽。而有周公之嘉稱也。汝水又東黃水注之。水出梁山東南。逕周承休縣故城東為承休水。縣故子南國也。漢武帝元鼎四年。幸雒陽。巡省豫州。觀于周室。邈而無祀。詢問耆老。乃得孽子嘉。封

為周子南君。以奉周祀。按汲冢古文。謂衛將軍文子為子南。獨矣。其後有子南。勛紀年。勛期于魏。後惠成王如衛。命子南為侯。秦并六國。衛最後滅。疑嘉是衛後。故氏子南而稱君也。初元五年。為周求休邑。地理志曰。侯國也。元帝置。元始二年。更曰鄆公。王莽之嘉美也。故汝渡有周公之名。蓋藉邑以納稱也。謂之黃城。水曰黃水。皆非也。其水又東南逕白茅臺東。又南逕梁翟鄉西。世謂之期城。非也。按漢書。世祖自潁川在梁翟鄉。馮魴先詣行所。即是邑也。水積為陂。世謂之黃陂。東轉逕其城南。東流右合汝水。又東南潁川鄉縣南。汝水又東與張唐泉合。水發北阜。春夏水成。則南注汝水。汝水又東分為西長湖。湖水南北五十餘步。東西三百步。汝水又東扈湖。水北出大劉山。南逕木莽堆東。郛城西南流入于汝。汝水又右逕為湖。湖水南北八九十步。東西四五百步。俗謂之東長湖。湖水下入汝。古養水也。水出魯陽縣北。將孤山北長岡下。數泉俱發。東歷永仁三堆南。又東逕沙川。世謂之沙水。歷山符壘北。又東逕沙亭南。故養陰里也。司馬彪郡國志曰。襄城有養陰里。京相璠曰。在襄城郛縣西南。養水名也。俗以是水為沙水。故亦名之為沙城。非也。又城廢水之陽。而以陰為稱。更用慈馬。但流雜間居。袈漑互夥。致令川渠異容。津途狀改。故物望疑焉。又右會堂溝水。

水出沛公壘西六十許步。蓋漢祖入關往征。是由故也。檀斯自矣。其水東北注養。養水又東北入東長迪湖。亂注汝水也。汝水又逕郟縣故城南。春秋。昭公十九年。楚令尹子瑕之所城也。激水注之。水出魯陽縣之將孤山東南流。許慎云。水出南魯陽。入父城。從水敖聲。呂忱字林亦言左魯陽激水。東入父城縣。與栢水會。栢水出魯陽北山。水有二源。竒導於賈復城合為一瀆。逕賈復城北。復南擊郛所築也。俗語訛謬。謂之寡婦城。水曰寡婦水。北瀆水有窮通。故有枯渠之稱焉。其水東北流至父城縣北。右注激水亂流。又東北至郟入汝。汝水東南左合藍水。水出陽翟縣重嶺山。東南流逕紀氏城西。有增臺。記氏臺。續漢書曰。世祖車駕西征。盜賊羣起。郟令馮軻為賊延哀所攻。力屈上詣紀氏。羣賊自降。即是處。在郟城東北十餘里。其水又東南流逕黃牟東。而南入汝水。汝水又東南流。入與白溝水合。水出亭城西。而南逕夏亭城西。又南逕龍城西。城西北即摩陂也。縱廣可一十五里。魏青龍元年。有龍見于郟之摩陂。明帝幸陂觀龍。於是改摩陂曰龍陂。其城曰龍城。其水又南入于汝水。汝水又東南與龍山水會。水出龍山龍溪。北流際父城縣故城東。昔楚平王大城城父以居太子建。故杜預曰。即襄城之城父縣也。馮異據之以降世祖。周報中車之恩也。其水又

東北流與二水合。俱出龍山。北流注之。又東北入于汝水。汝水又東南逕襄城縣故城南。王隱晉書地道記曰。楚靈王築。劉向說苑曰。襄城君始封之曰。服翠衣。帶玉佩。徒倚於流水之上。即是水也。楚大夫莊辛所說。廢後乃縣之。呂后元年。立孝惠後宮子弘為侯國。王莽更名相成也。黃帝嘗遇牧童於其野。故嵇康夜讀曰。奇矣難測。襄城小童。倦遊六合。來憩茲邦也。其城南對汜城。周襄王出鄭居汜。即是地城也。春秋。襄公二十六年。楚伐鄭。涉汜而歸。杜預曰。涉汝水於汜城下也。晉襄城郡治。京相璠曰。周襄王居之。故曰襄城也。今置關於其下。汝水又東南流逕西不羹城南。春秋左傳。昭公十一年。楚靈王曰。昔諸侯遠我而畏晉。今吾大城陳蔡。不羹。賦皆千乘。諸侯其畏乎。東觀漢記曰。車騎馬防。以前參藥。勲勞省聞。增封侯國。襄城。漢傳千二百五十戶。即此亭也。汝水又東南逕繁丘城南。而東南出也。又東南過定陵縣北。湛水出犍縣北。魚齒山西北。東南流歷魚齒山下。為湛浦。方五十餘步。春秋。襄公十六年。晉伐楚。報楊梁之役。楚公子格及晉師戰于湛阪。楚師敗績。遂侵方城之外。今水北悉枕翼山。年於父城東南。湛水之北。山有長陂。蓋即湛水以名陂。故有湛陂之名也。湛水又東南逕蒲城北。京相璠曰。昆陽縣北有蒲城。蒲城北有湛水者是也。漢水又東

於汝水九曲北東入汝。杜預亦以是水為潁水矣。周禮荊州其浸潁潁。鄭玄云。未聞。蓋偶有不照也。今考地則不乖其土。言水則有符經文矣。汝水又東南逕定陵縣故城北。漢成帝元延三年。封侍中衛尉淳于長為侯國。王莽更之定城矣。宋觀漢記曰。光武擊王莽。二公還到汝水。上於滙。以手飲水。深頌慶祐。謂傳復曰。今日疲勦。諸君寧億也。即是水也。水右則汝水左入焉。左則百尺潁水夾岸層崇。亦謂之為百尺堤也。自定陵城北逕潁水於襄城縣。潁城則南攝汝。伏則北注。稱之東有澄潭。號曰龍淵。在汝北四里許。南北百步。東西二百步。水至清深。嘗不耗竭。佳饒魚筍。湖溢則東注潁水矣。汝水又東南昆水注之。水出魯陽縣唐山東南。流逕昆陽縣故城西。更始元年。王莽徵天下能為兵法者。選練武衛。招募猛士。旌旗輻重。千里不絕。又驅諸獠。數虎豹犀象之屬。以助威武。自秦漢出師之盛。未嘗有也。世祖以數千兵敵之。陽關諸將見尋邑兵盛。反走入昆陽。世祖乃使成國上公王鳳。廷尉大將軍王常留守。夜與十三騎出城南門。收兵於鄧尋邑。圍城數十重。雲車十餘丈。數臨城。積弩亂發。矢下如雨。城中人負戶而汲。王鳳請降。不許。世祖帥營部俱進。頻破之。衆勝以敢死三千人徑衝尋邑。兵敗其中。堅於是水之上。遂殺王尋。城中亦鼓譟而出。中外合勢。震

呼動天地。會大雷風。屋瓦皆飛。莽興大潰。昆水又屈逕其城南。世祖建武中。封侍中傅俊為侯國。故後漢郡國志有昆陽縣。蓋藉水以氏縣也。昆水又東逕定陵城南。又東注汝水。汝水又東南逕奇雄城西。北。今南潁川郡治也。潁水出焉。世亦謂之大潁水。爾雅曰。河有雍。汝有潁。然則潁者。汝別也。故其下夾水之邑。猶流汝陽之名。是或潁潁之聲相近矣。亦或下合潁潁兼統厥稱耳。又東南過鄆縣北。汝水逕奇雄城西。東南流。其城矜帶兩水。側背雙流。汝水又東南流逕鄆城。西東南流。其城矜帶兩縣故城北。故魏下邑也。史記。楚昭陽伐魏。取鄆是也。汝水又東得醴口水。水出南陽雒山。亦云導源。雒衡山。即山海經云衡山也。郭景純以為南岳。非也。馬融廣成頌曰。面據衡陰。指謂是山在雒縣界。故世謂之雒衡山。依山海經不言有水焉。然醴水東流歷唐山下。即高鳳所隱之山也。醴水又東南與阜水合。水發阜山。郭景純或作章山。東流注于醴水。醴水又東南逕唐城北。南入城而西流出城。城蓋因山以即稱矣。醴水又屈而東南流逕葉縣故城北。春秋。昭公十五年。許違于葉者也。楚威周衰。控霸南土。欲爭強中國。多築列城於北方。以逼華夏。故號此城為萬城。或作方字。唐勒奏上論曰。我是楚也。世霸南土。自越以至葉岳。弘境萬里。故號曰萬城也。余按春秋。屈

完之在郢陵對齊侯曰。楚國方城以爲城。杜預曰。方城。山名也。在葉南。未
許孰是。楚惠王以封諸梁子。號曰葉公。城即子高之故邑也。葉公好龍。神
龍下之。河南王喬之爲葉令也。每月望常自詣臺朝。帝恠其來數而不見
車騎。顯宗密令太史何望之。言其臨至。輒有雙鳧從東南飛來。於是候鳧
至。舉羅張之。但得一隻鳧。乃詔南方診視。則四年中所賜尚書官屬。屢也。
每當朝時。葉門下鼓不擊。自鳴。聞於京師。後天下玉棺於堂前。吏民推排。
終不運動。喬曰。天帝獨欲召我耶。乃沐浴服飾。寢其中。蓋使立覆宿昔。葬
於城東。土自成墳。其夕縣中牛皆流汗喘乏。而人無知者。百姓爲立廟。稱
葉君祠。後守每班錄皆先謁拜之。吏民祈禱。無不如應。若有違犯。亦立能
爲祟。帝乃迎取其鼓置鄒亭下。畧無復聲焉。或云即古仙人王喬也。是以
干氏書之於神化。醴水又逕其城東。與燒卑水合。水西出苦萊山。東流側
葉城南。而下注醴水。醴水又東逕葉公廟北。廟前有公子高諸梁碑。舊秦
漢之世。廟道有雙闕。凡筵黃中之亂。殘毀頽闕。魏大和景初中。令長脩飾
舊宇。後長汝南陳晞以正始元年立碑。碑字破落。遺文殆存。事見其碑。醴
水又東與葉西陂水會。縣南有方城山。屈完所謂楚以方城以爲城者也。山
有湧泉北流。蓄之以爲陂。故塘方二里。陂水散流。又東逕葉城南。而東北

注醴水。醴水又東注葉陂。陂東西十里。南北七里。二陂並諸梁之所竭地。陂水又東逕撫陽縣故城北。又東定陵城南。東與芹溝合。其水導源葉縣。東逕撫陽城北。又東逕定陵縣南入東南流注醴。其水逕流昆醴之間。醴絡四縣之中。疑即呂忱所謂洧水也。今於定陵更無別水。唯是水可當之。澧水東逕鄆縣故城南入汝。山海經曰。澧水東流注于洧水也。汝水又東南流逕鄆城西。春秋左傳。桓公二年。蔡侯鄭伯會于鄆者也。汝水又東南流撫水注之。又東南過汝南上蔡縣西。汝南郡。楚之別也。漢高帝四年。置王莽改郡曰汝南縣。故蔡國。周武王克殷。封其弟叔度於蔡。世本曰。上蔡也。九江有下蔡。故稱上。竹書紀年曰。魏章率師及鄭師伐楚。取上蔡者也。建安元年。安帝封鄆侯為侯國。汝水又東逕玄瓠城北。王智深云。汝南太守周幹起義於玄瓠者是矣。今豫州刺史汝南郡治城之西北。汝水枝別左出西北流。又屈西來轉。又西南會汝。形若垂瓠。省旁云。城北名焉。灣中有地數頃。土有粟園。粟小殊不並。園安之實也。然歲貢三百石以充天府。水渚。即栗州也。樹木高茂。望若屯雲。積氣矣。林中有栗堂。射雉甚開敞。牧宰及夷房。多所遊薄。其城上西北隅。高祖以太和中幸懸瓠。平南王肅起高齊於小城。建層樓於隅阿。下際水濱。降衆渚。左右刊樹。四周參差競。

踣奇焉。去觀也。又東南過平輿縣南。漆水出浮石嶺北。青衣山。亦謂之表水也。東南逕卽陵縣故城內。應劭曰。西南有卽陵山。縣以氏爲。世祖建武中。封城門校尉。賊宮爲侯國也。漆水又南。屈逕其縣南。又東北逕北宜春縣故城北。至王莽更名之爲宣孺也。豫章有宜春。故如此矣。永元三年。安帝封后父侍中關暢爲侯國。漆水又東北逕馬香城北。又東北入汝。汝水又東南逕平輿縣南。安成縣故城北。王莽更名至成也。漢武帝元光六年。封長沙定王子劉倉爲侯國矣。汝水又東南。汝水注之。水首受俱水於慎陽縣故城南。陂。陂水兩分。一水自陂北逕慎陽城。四圍城壘。潁川荀淑過縣人黃叔度於逆旅。與語移日。曰。子師表也。范曄論曰。黃憲言猶風。音無所傳。然士君子見之者。靡不厭深。遠去疵。險。將以道周性全。無碍而稱乎。壘水有自潁東北流。注七陂。一水自陂東北流。積爲同陂。陂水又東北。又結而爲陂。世謂之窖陂。陂水上承慎陽縣北陂東北流。積而爲上陂。陂水又東。爲窖陂。陂水又東南流。注壁陂。陂水又東北。爲大陂。陂水又東入汝。汝水又東南逕平陵亭北。又東南逕陽遂鄉北。汝水又東逕樂亭北。春秋之棘。標也。杜預曰。汝陰新蔡縣東北有標亭。今城在新蔡故城西北。城北平淪水。汝水又東南逕新蔡縣故城南。昔管蔡開王室。故蔡叔而遭之。其

子胡能率德易行。周公舉之為魯卿士。以見于王。三命之以蔡仲呂也。以奉叔度祀。是為蔡仲矣。宋忠曰。故名其地為新蔡。王莽所謂新遭者也。世祖建武元年。封吳國為侯國。汝南先賢傳曰。新蔡郢敗。字次都。為郡功曹都尉。高鯁聽事前有槐樹。白露頭甘露者。鯁問掾屬。皆言是甘露。收獨曰。明府政未能致甘露。但樹計耳。鯁不悅。託疾而去。汝水又東南左會澧水。水上承汝水。別流於奇頓城東。東南流為練溝。逕郢陵縣西。東南流注至工蔡西。岡北為黃陵陂。陂東流於上蔡岡東為蔡塘。又東逕平輿縣故城南為澧水。縣舊沈國也。有沈亭。春秋定公四年。蔡城沈。以沈子嘉歸。後以為縣。文記曰。秦將李信攻平輿敗之者也。建武三十年。世祖封姚統為侯國。本汝南郡治。昔費長房為市吏。見王壺公懸壺辟市。長房從之。因而自遠。同入此壺。隱淪仙路。骨謝懷靈。無會而返。雖能役使鬼神。而終同物化。城南里餘有神廟。世謂之張明府祠。水旱之不節。則禱之。廟前有圭碑。文字索碑不可復尋。碑側有小石馬。按桂陽先賢畫讚。臨武張憲。自委習為平輿令。時天下大旱。憲躬雲東獲嘉應。乃積薪自焚。王簿宗小史張化從憲焚焉矣。火既燎。天靈感應。即澍雨。此意自焚像也。澧水又東南左逕為葛陂。陂方數十里。水物含靈。多所苞育。昔費長房投杖於陂。而龍變所

在也。又勅東海君於是陂矣。陂水東出為鰲水。俗謂之三丈陂。亦曰三嚴水。水迤銅陽縣故城南。應劭曰。縣在鰲水之陽。漢明帝永平中。封衛尉陰興子慶為侯國也。縣有葛陵城。建武十五年更名封鉅。侯鮑丹為侯國。城之東北有楚武王冢。氏謂之楚王製城。城北祝社里下土中得銅鼎。銘曰。楚武王。是和武王燧也。陂水東注為富水。水積之處謂之皮塘。津渠交絡。枝布川隰矣。陂水自葛陵東南迤新蔡縣故城東。而東南流注于汝水。又東南迤下桑里。左迤為橫塘陂。又東為北清陂者也。汝水又東南迤壘丘。城北故陳也。春秋左傳。文公九年。楚侵陳。剋壘丘。以其便於晉是也。汝水又東與清陂合。水上承慎水於慎陽縣之上慎陂。右溝北注為城陂。陂西有黃丘亭。陂水於東迤新息亭北。又東為調陂。陂水又東迤新息縣。結為牆陂。陂水又東迤遂鄉南東而為壁陂。又東為青陂。陂東對大呂亭。春秋外傳曰。當成周者。南有荆蠻。中呂姜姓矣。蔡平侯始封也。西南有小呂亭。故此稱大也。側陂南有青陂廟。廟前有陂。漢靈帝建寧三年。新蔡長河南縣氏李吉上請脩復青陂。司徒臣訓。尚書臣龔奏可。洛陽宮於青陂東塘南樹碑。碑稱。青陂在縣坤地。源起桐相淮川。別流入于滎溪。迤新息牆陂。衍入襄信界。灌漑五百餘頃。陂水又東分為二水。一水南入淮。一水東南

遼白亭北。又東逕吳城南。史記楚惠王二年。子西召太子建之子勝於吳。勝入居之。故曰吳城也。又東北屈逕壺丘東。而北流注于汝水。世謂之薄。汝水。汝水又東逕襄信縣故城北。而東注矣。又東至原鹿縣。汝水又東南逕縣故城西。杜預所釋地曰。汝陰有原鹿縣也。南入于淮。所謂汝口側水。有汝口戍。淮汝之交會也。潁水出潁川陽城縣西北少室山。秦始皇十七年。滅韓以其地為潁川郡。蓋因水以著稱者也。漢高帝二年。以為韓國。王莽之左隊也。山海經曰。潁水出少室山。地理志曰。出陽城縣陽乾山。今潁水有三源奇發。石水出陽乾山之潁谷。春秋潁考叔為其封人。其水東北流。中水導源少室通阜。東南流逕負黍亭東。春秋定公六年。鄭伐焉。滑負黍者也。馮敬通潁志賦曰。求善卷之所在。遇許由於負黍。京相璠曰。負黍在潁川陽城縣西南二十七里。世謂之黃城也。亦或謂是水為潁水。東與石水合。左水出少室南溪。東合潁水。故作者互舉二山。言水所發也。呂氏春秋曰。卞隨耻受湯讓。自投此水而死。張顯遠氏傳。樛叔夜高士傳。並言投澗水而死。未知其孰是也。又東南過其縣南。潁水又東五渡水注之。其水導源崇高縣東北。太室東溪縣。漢武帝置。以奉太室山。俗謂之嵒陽城。又春夏雨泛。水自山頂而逕相灌澍。嵒流相承。為二十八浦也。陽早輟津。而

石潭不耗。遺俗遊憩者。唯得飡飲而已。無敢漂與其中。苟不如法。必數日不豫。是以行者憚之。山下大潭周數里。而清深肅潔。水中有立石高十餘丈。廣二十許步。上甚平整。編素之士。多泛舟昇陟。取暢山情。其水東流南陽城西。石溜縈委。溯者五涉。故亦謂之五渡水。東南流入潁水。潁水逕其縣故城南。昔舜禪禹。禹避商均。伯益避啓。並於此也。亦周公以上主淵日景處。漢成帝永始元年。封趙臨為侯國也。縣南對箕山。山上有許由冢。堯所封也。故太史公曰。余登箕山之上。有許由墓焉。山下有牽牛壚。側潁水有犢泉。是樊父還牛處也。石上犢跡存焉。又有許由廟。碑闕尚存。是漢潁川太守朱寵所立。潁水逕其北。東與龍淵水合。其水導源龍淵。東南流逕陽城北。又東南入于潁。潁水又東平洛溪水注之。水發玉女臺下平洛淵。世謂之平洛水。呂忱所謂洧水出陽城山。蓋斯水也。又東南流注于潁。潁水又東出陽城關。歷康城南。魏明帝封尚書右僕射衛臻為康鄉侯。此即臻封邑也。又東南過陽翟縣北。潁水東南流逕陽關聚。聚大水相對。俗謂之東西二土城也。潁水又逕上棘城西。又屈逕其城南。春秋左傳。襄公十八年。楚師伐鄭。城上棘。以涉潁者也。縣西有故堰。堰石崩。潁基尚存。舊潁水枝流所出也。其故潁東南逕三封山北。今無水。渠中又有泉流出。

馬。時人謂之岫水。東逕三封山東。東南歷大陵西連山。亦曰啓筮亭。享神於大陵之上。即鈞臺也。春秋左傳曰。夏啓有鈞臺之嚳是也。杜預曰。河南陽翟縣南有鈞臺。其水又東南流。水積為陂。陂方十里。俗謂之臺。蓋陂指鈞臺取名也。又西南流逕夏亭城西。又屈而東南為郟之靡陂。潁水自揭東逕翟陽縣故城北。夏禹始封於此為夏國。故武王至周曰。吾其有夏之居乎。遂營洛邑。徐廣曰。河南內陽城。陽翟則夏地也。春秋經書狄鄭伯突入于櫟。左傳曰。桓公十五年。突殺檀伯而居之。服虔曰。守櫟大夫櫟鄭之。大都。宋忠曰。今陽翟也。周末韓景侯自新鄭徙都之。王隱曰。翟本櫟也。故潁川郡治也。城西有郭奉孝碑。側水有九山祠碑。叢栢猶茂。北枕川流也。又東南過潁陽縣西。又東南過潁陰縣西南。應劭曰。縣在潁水之陽。故邑氏之。按東觀漢記。漢封車騎將軍馮防為侯國。防城門校尉。位在九卿上。絕席潁水。又南逕潁鄉城西。潁陰縣故城在東北。舊許昌典農都尉治也。後改為縣。魏明帝封侍中辛毗為侯國也。潁水又東南逕栢祠曲東。歷岡丘城南。故汾丘城也。春秋左傳。襄公十八年。楚子庚治立於汾。司馬彪曰。襄城縣有汾丘。杜預曰。在襄城縣之東北也。逕繁昌故縣。此曲蟲之繁陽亭也。魏書國志曰。文帝以漢獻帝延康元年。行至曲蟲。登禪于此地。改元。